

Д.С. Туптало

**Сочинения святого Димитрия
митрополита Ростовского**

Часть 3

**Москва
«Книга по Требованию»**

УДК 93
ББК 63.3
Д11

Д11 **Д.С. Туптало**
Сочинения святого Димитрия митрополита Ростовского: Часть 3 / Д.С. Туптало – М.: Книга по Требованию, 2021. – 646 с.

ISBN 978-5-458-10921-5

Часть 3, содержащая в себе поучения на разные праздничные дни. Издание седьмое. Москва : Синодальная типография, 1848.

ISBN 978-5-458-10921-5

© Издание на русском языке, оформление
«YOYO Media», 2021

© Издание на русском языке, оцифровка,
«Книга по Требованию», 2021

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.



Серия Книжный Ренессанс

www.samizday.ru/reprint

| | Стран. |
|---|--------|
| Слово о паствѣ Духовныхъ пастырей. - - - | 526. |
| — О прошеніи милости на созиданіе церкви. 546. | 546. |
| — О умершихъ. - - - - - - - - - - | 558. |
| — На поминаніе Іоанна Семеновича Грибоѣдова, Стольника его Царскаго Величества. - - | 561. |
| — На поминаніе Тимоѣя Борисовича Окольниковича, иже сынъ бѣ боярина Бориса Гавриловича Юшкова. - - - - - - - - - | 569. |
| Брань Святаго Архистратига Михаила, воеводы | |
| — силъ небесныхъ, и Ангеловъ его съ седмглавнымъ змѣемъ. - - - - - - - - - | 579. |
| Пирамида или столпъ, во блаженной памяти преставльшагося высоцѣ къ Богу превелебнаго его милости, господина отца Иннокентія Гизеля, Архимандрита святой великой чудотворной Лавры Печерской Кіевской, къ вѣчной памяти, въ годъ по погребеніи его, при соборной панихидѣ проповѣдію слова Божіаго поставленный, 1685-й. - - - - | 601. |

ПОУЧЕНІЕ

НА ОБРЪЗАНІЕ Господа Бога и Спаса нашего
Иисуса Христа,

мѣсяца Іаннуарія въ 1-й день.

Нарекоша имя ему Иисусъ.

Луки гл. II, ст. 21.

Якоже Новый Завѣтъ, сице и новое лѣто отъ имени Иисусова начинается, слышательіе благочестивіи! Вся ветхая, до имени Иисусова дошедше, скончашася; вся же новая отъ Иисусова имени начало пріяша: ветхая убо *мимо* идоша, се же *вся быша* новая (а). *Нова*, ибо и имя то *Иисусъ*, ново есть: *напишу*, рече, *имя Бога моего, имя новое* (б). То имя новое съ небесъ есть принесено, нареченное Ангеломъ прежде даже не зачатся во чревѣ; то новое имя и въ книгахъ Церковныхъ, и въ книгахъ Градскихъ при самомъ обрѣзаніи и нареченіи записано. Записано въ книгахъ церковныхъ; ибо совершившуся обычному въ церквѣ обрѣзанія дѣйству, абіе Архисвященникъ пріемъ вписную книгу, написа сице: „Мѣсяца, нарицаемаго еврейски Севать, гречески же Лидинеосъ, римски же Іаннуарія, въ 1-е число, сынъ Іосифовъ и Маріинъ отъ племени Давидова обрѣзанъ бысть, и наречено имя ему Иисусъ.“ Записано то имя и въ книгахъ градскихъ; совершающуюся бо тогда отъ Августа кесаря вселенныя написанію, и дани отъ всякаго лица вземлемой бывшей, написася въ Виедеемѣ сице: „Въ первые

(а) 2 Коринѳ. V, ст. 17. (б) Апок. III, ст. 12.

календы Іаннуаріевы, Іосифъ съ Марією и съ новорожденнымъ младенцемъ Іисусомъ, царскаго сущія рода, Кесареви дань дадоша.“

То убо преславное имя новое, *Іисусъ*, нынѣ хотѣлъ быхъ и азъ грѣшный на новое лѣто, не токмо въ моей сердца книзѣ, но и во всѣхъ сердцахъ, аки въ книгахъ мірскихъ и духовныхъ написати: написати же не единымъ каковымъ простымъ черниломъ, но различными шарами, красками и цвѣтами. И въ надеждѣ помощи Божія начинаю то намѣренное дѣло, а любовь ваша—отверзите сердце вашихъ книги. Ты же соприисносущный и соестественный Сынови Душе Святой, буди ми трость книжника скорописца!

Въ началѣ то новое преблагословенное имя, *Іисусъ*, яко имя царское, да напишется въ книгахъ царскихъ. Царское имя, *Іисусъ*: ибо и на небѣ и на земли царствующее. На небѣ соцарствуетъ Отцу, на земли приѣмлетъ отъ царей дары съ титулою царскою: вопрошаху бо о немъ, *гдѣ есть рождейся Царь* (а)? То убо имя царское на новое лѣто въ началѣ да напишется въ пространной сердца книзѣ, пресвѣтлѣйшаго и державнѣйшаго Государя царя и великаго князя Петра Алексѣевича, всея великія и малыя и бѣлыя Россіи Самодержца: да напишется же письмены златыми, по подобію древнѣйшихъ вѣковъ, въ няже, по свидѣтельству Іеронимову, не лѣтъ бѣше инако имени Божія писати, токмо златомъ. Но и то извѣстно есть, яко въ сердцады единаго отъ Богоносецъ, егоже Христось Богъ отрока еще бывша на рукахъ своихъ носиль есть, по кончинѣ обрѣтено бысть въ сердцады златыми

(а) Матѣ. II, ст. 2.

писмены написано : *Иисусъ*. А понеже и царевое сердце есть въ рукахъ Божіихъ, содержитсяъ, носится и управляется Богомъ; убо и въ сердцахъ царевомъ, яко богоносномъ , *Иисусъ*—да написуется златомъ.

Не вѣмъ, чего ради въ Писаніи божественномъ злато полагается во образъ милости, милосердія, благостыни, челолюбія, благоутробія; ниже достаесть ми времени о томъ нынѣ много испытывати. Сіе вѣмъ, и о семъ нынѣ глаголю, яко вся та прилична суть престолу царскому по словеси Приточникову : *милость и истина сохраненіе царю, и обыдетъ престолъ его правда* (а). Иный преводъ чететь сице : милосердіе и истина хранитъ царя, и утверждаетъ благостыня престолъ его. Каковая же благостыня, абіе узримъ.

Во дни царя Веспасіана, (идолопоклоненію еще тогда возмогающе), бысть въ сенатѣ Римскомъ прѣ о бозѣхъ, который бы былъ Богъ лучшій, и которымъ бы похвальнымъ именемъ по достоянію нареци и похвалити его? Единіи глаголаху: той лучшій есть богъ, иже есть богатѣйшій паче всѣхъ, и похвалити его подобаетъ яко пребогата, нарекши: богъ богатый. Другіи глаголаху: той лучшій есть богъ, иже есть премудрѣе паче всѣхъ, и похвалити его достоитъ яко премудра, нарекши : богъ премудрый. Третіи глаголаху : той лучшій есть богъ, иже есть сильнѣе, крѣплѣе паче всѣхъ, и похвалити его подобаетъ яко сильна, крѣпка, нарекши: богъ сильный, крѣпкій. Четвертыи же разсуждающе глаголемая, глаголаху : аще бога того, иже покажется быти паче инѣхъ крѣпльшій, сильнѣйшій, лучшимъ нареци паче всѣхъ

(а) Притч. XX, ст. 28.

боговъ; то токмо людіе крѣпкіи, сильнии, храбрыи, мужественнии будутъ имѣти себѣ бога: а немощніи, боязливии, коего себѣ бога возымѣютъ? Аще бога того, иже явится быти паче инѣхъ премудрѣйшій, лучшимъ нареци богомъ: то токмо людіе премудрыи, философы, оеологи и прочіи любомудріи будутъ имѣти себѣ бога; а людіе простыи, невѣжи, неученыи, коего себѣ бога стяжутъ? Аще бога того, иже покажется быти богатѣйшій, паче всѣхъ лучшимъ нареци богомъ, то токмо богатыи будутъ имѣти себѣ бога: а нищіи, убозіи, гдѣ подѣнутся? которымъ богомъ похвалятся? Таковаго убо требъ есть избрати бога, иже бы всѣмъ былъ равнѣ потребенъ, убогимъ—якоже и богатымъ, немощнымъ—якоже и сильнымъ, невѣжамъ—якоже и мудрымъ. “ Сиче имъ разглагольствующимъ, прашимся надолзѣ и несогласующимъ, ста посреде ихъ нѣкій отъ благородныхъ мужъ, (бѣ же той, лкоже мнится, потаенный Христіанинъ), той ношаше на персѣхъ своихъ висящъ образъ истиннаго Бога. Бѣ же изображеніе таково: лице нѣкое краснѣйшее стояше, имѣя рудѣ крестообразно распростертыи, въ десницѣ бѣ написано: *обѣщаю*; въ шуицѣ написано, *ожидаю*; бокъ же бѣ отверсть, и написано въ немъ: *прощаю*. Надписаніе же образа того таковое, *Богъ благодѣтели*. Сенатори же, взявше образъ той въ руки, разсмотряху, рассуждаху, таже единоголасно воззваша: воистинну сей образъ есть истиннаго паче всѣхъ лучшаго Бога, иже добрымъ достойную почестъ воздавнія обѣщаетъ, злыхъ обращеніи и покаяніи ожидаетъ, согрѣшающимъ же и кающимся отъ сердца, прощаетъ; и той есть истинный, лучшій паче всѣхъ высочайшій Богъ, иже есть Богъ милосердія, челоуѣко-

любія, незлобія, благоутробія, Богъ благостыни, таковый Богъ всѣмъ равнѣ потребенъ!

Прилична вся та суть лицу царскому, иже по Господѣ Бозѣ есть яко богъ земный: *азъ ргхъ , бози есте* (а). Не скудно престолу царскому богатство, не скудна и премудрость, не скудна крѣпость и сила: царь бо, якоже единъ отъ постельничихъ Даріевыхъ глаголетъ, *царь надъ все премагаеть, и господствуетъ всѣми* (б). Еще же требъ есть, да и благостыня царская не оскудѣваетъ; ибо благостыня утверждаетъ престоль царскій. Здѣ вспоминаемъ сіе, Царь царемъ и Господь господемъ, явился возлюбленному своему наперснику и тайныхъ его Царскихъ дѣлъ вѣдцу, святому Іоанну Богослову, явился же сице: *облегенъ въ подиръ , иже бѣ порфиры и власти царскія знаменіемъ, препоясанъ при сосцу поясомъ златымъ* (в), иже бѣ знаменіемъ милости его Царскія. Якоже бо поясомъ опоясующуся челоуѣку, два конца во едино сходятся мѣсто: сице милость Царская разноглаіе челоуѣческое въ согласіе приводитъ, и отстоящая сердца собираетъ и совокупляетъ. *Держаше же въ руцѣ своей звѣздъ седмъ , и изъ устъ его мечь обоюду остръ исхождаше* (г). Кто дивному тому Царя небеснаго явленію разумнымъ восхощетъ присмотрѣтися окомъ, удивится наипаче сему, яко въ рукахъ звѣзды, а въ устахъ мечъ. Нашимъ худымъ мнѣніемъ не добръ сице: приличнѣе звѣздамъ во устахъ быти, а мечу въ рукахъ. Но кто исправляти дерзнетъ премудраго Господа, иже не всуе вся дѣлаеть, аже дѣлаеть, *и разума его нльсть числа* (д)? Богослове святыи, ты паче

(а) Псал. ЕХХХІ, ст. 6. (б) 2 Ездр. IV, ст. 3. (в) Апок. I, ст. 13. (г) Апок. I, ст. 16. (д) Псал. СХLVI, ст. 5.

инѣхъ всѣхъ ближайшій, любезнѣйшій Господу, и дерзновеннѣйшій къ нему, рцы: „Господи, новая то невидимая мода, мечъ во устахъ носити, мечъ надлежитъ до рукъ. Перемѣни, Господи, звѣзды положи окрестъ устъ твоихъ: ибо словеса твоя, отъ устъ твоихъ исходящая, яко звѣзды, вселенную озаряють; а мечъ возьми въ руки, да посѣчеши имъ враги твоя.“ Обаче Господь ни Богослова послушаетъ: *кто бо уразумѣть умъ Господень? или кто совѣтникъ ему бысть* (а)? Ищемъ убо тоя тайны, почто мечъ не въ рукахъ Господнихъ, но во устахъ? и почто звѣзды не во устахъ, но въ рукахъ? Мечъ знаменуетъ казнь на согрѣшающія; звѣзды знаменуютъ дары, подаваемые достойнымъ. Обыкоша людіе начальствующіи носити звѣзды, сіесть дары во устахъ, въ словѣ—а не въ дѣлѣ, обѣщати—а не дати; а мечъ въ рукахъ, сіесть отмщеніе въ самомъ дѣлѣ, вскорѣ безъ помилованія. Но Господь нашъ явился противнымъ образомъ, мечъ во устахъ, а звѣзды имѣя въ рукахъ: научая владущихъ, не абіе похищати ко отмщенію мечъ, но первѣе во устахъ того явити, сіесть въ словѣ грозномъ, увѣщательномъ, наказательномъ; а въ рудѣ абіе того не брати, развѣ уже тогда, егда виноватый неисправленъ пребываетъ. Звѣзды же дары, не во устахъ, ни въ словѣ, но въ рукахъ носити, сіесть самымъ дѣломъ являти. Проситъ кто? На, се въ рукахъ готово: готовы рудѣ къ подаванію. И да не продолженно реку, вся та суть поученіемъ благостыни, златомъ въ Писаніи божественномъ образуемая, царскому же лицу приличествующія, яко утвержденіемъ царскаго престола сущія: благостыня утверждаетъ престолъ царскій. Таковымъ

(а) Римл. XI, ст. 34.

таинственнымъ златомъ имя новое, *Иисусъ*, на новое сіе лѣто да пишется, аки въ книзѣ, въ сердца Пресвѣтлѣйшаго нашего Монарха, усердно желаемъ и Бога прилежно молимъ. Свѣтлаго царскаго Сигклита, благородныхъ князей и бояръ и всѣхъ совѣтныхъ думныхъ лицъ, въ сердечныхъ книгахъ имя новое, *Иисусъ*, на новое лѣто да напишется писмены серебряными. Сребро здѣ да будетъ во образованіе добраго совѣта праведныхъ судовъ, благоразумныхъ и полезныхъ словесъ, чрезъ сребро въ Писаніи святомъ образованныхъ, якоже абіе услышимъ. Здѣ вопрошаю: чесо ради вси царіе земны имуть свол свѣклиты, своя сенаторы? Воистинну добраго ради совѣта и праведныхъ ради судовъ. Ибо нѣсть царство, еже бы не состоялось добрыми добрыхъ совѣтниковъ совѣтами и праведными судами.

Явися Господь Соломону во снѣ пошномъ, глаголя: проси, что хочещи, и дамъ ти! Просить Соломонъ: даждь рабу твоему сердце смыслено на послушаніе, и служеніе людемъ Твоимъ въ правду, еже разумѣвати посредъ добра и зла (а). То реченіе Соломоново, *даждь сердце смыслено* на послушаніе, иный преводъ чететь сице: даждь сердце со ушесы; а въ Еврейскомъ языкѣ стоитъ, даждь сердце слышащо. Молить Бога Соломонъ, да дастъ ему Богъ сердце съ ушима слышащо. Для чего же требъ есть Соломону сердца со ушесы? Для того, сердцемъ да разумѣетъ разсуждати доброе и злое: ушесы же, да совѣты бояръ своихъ слушаетъ. И не довѣляше премудрому Соломону своя ему премудрости, но и совѣтниковъ

(а) 3 Царствъ III, ст. 5 и 9.

разумныхъ требоваше : и того ради сердца со ушесы отъ Господа просяше.

Каковъ же имать быти совѣтъ совѣтниковъ добрыхъ? Воистинну долженъ быти серебрянъ по подобію онѣхъ словесъ, о нихже глаголетъ Давидъ: *словеса Господня, словеса чиста, серебро разжжено, искушено земли, очищено седмерицею* (а).

Слово сенаторское совѣтное имать быти чисто, не ложно, не клеветно, не лукаво, не лицемѣрно, не лестно, не яко онѣхъ, ихже *умякнуша словеса паге ела, и та суть стрѣлы* (б); но слово истинное, здоровое, чистое яко серебро, серебро же раждеженно, сіестъ ревностію по царь своемъ горящо, правду любящо, неправду же яко огнемъ сожигающе, серебро искушено, очищено седмерицею: сіестъ, не абіе изрещи кое слово, еже аки вѣтръ, умъ принесеть, но первѣе ни единою и дважды или трижды, но и седмижды разсуди во умѣ, добръ ли есть рещи то, здоровъ ли будетъ совѣтъ той? И тако седмерицею во умѣ слово искусивъ, и излишное неполезное очистивъ, рцы: и тогда будетъ слово чисто, серебро раждеженно, искушено, очищено седмерицею, се же въ славу имени Иисусова, въ честь престола царскому, и всему отечеству въ пользу.

Добрыхъ совѣтниковъ описа Іоѳоръ, тестъ Моусеевъ, егда Моусей аще и безъ царскія титлы царствоваше надъ Израилемъ; описа же Іоѳоръ совѣтниковъ тѣми словесы, къ Моусею глаголя: *избери себѣ отъ встѣхъ людей мужи сильны* (в), иный преводъ читаетъ, *мужи разумны*, Бога болящіяся, мужи праведны, и ненавидящія величанія;

(а) Псал. XI, ст. 7. (б) Псал. LIV, ст. 22. (в) Исход. XVIII, ст. 25.